

重刻宿遷縣志序

余少奉庭訓尋繹家乘
蓋先代系本鍾吾以武
功世官遼左歷十一世
水木之思未嘗忘也私
心自識異日倘得以宦
遊之便身履其地詢訪
故址余心斯慰矣順治
壬辰持節出撫江右始
獲遂夙志焉松楸不

子姓日蕃俯仰今昔
驚且喜旣而兩膺

簡命督漕江淮去宿彌近
首問民間疾苦宿當孔
道舟車交會郵傳疲于

奔命師旅竭于供億加
之以饑饉民何以堪余
爲之廢箸而籌輟食以
哺凡心力之所可及者
不敢不勉也雖凋殘之

餘不能驟復而存此子
遺每懷靡及庶幾少慰
庭訓敬梓之意耳壬寅
孟夏余告北旋道經于
宿父老子弟羣來相慰

勞余感念舊遊徘徊終
日訪及項王祠知其廟
貌日就頽圯至三傑祠
則已委諸蔓草矣遂捐
金修建二祠因慨然于

文獻之無徵也問宿有
志乎曰宿志草創自前
朝之丁丑修于丙申浸
板久失故家或有存者
余亟蒐得一冊維舟繙

閱山川人物歷歷在目
但宋元以前典籍散軼
作者從二三千年之後
補綴舊聞畧具梗槩續
修無人刊缺已多况今

相去六十餘載人事遷
流殘編零落及今不爲
之計不幾使前哲遺徽
同歸蔓草乎此宿人之
責也惜余行迫不及遍

咨故老延訪宗工再加
纂輯請以舊志重授梓
人以存文獻諸父老子
弟皆欣然曰幸甚余捐
百金屬薦紳陸公之嗣

又襄董其事余自愧無
裨于茲土惟幸先澤可
遡夙志旣酬今者言旋
之日復還邑乘之舊觀
雖未獲附于作述之末

亦不負後先至淮之役
矣故倚舫援筆直書顛
末紀其歲月若夫補其
闕畧加之潤色則以俟
後之君子

龍飛康熙元年孟夏望日
欽命總督淮揚等處地方
提督漕運海防軍務兼
理糧餉兵部尚書兼都
察院左副都御史蔡士

英撰



宿遷縣志序

紀一代之事有史紀一方之事有志讀史而一代之禮樂
文物政教黜陟得失盛衰賾然具見讀志而一方之山川
人物文事典章風俗沿革可以悉知則志之不可闕也當
與史等然輒有數十年聽其湮沉不加纂輯甚且舊章零
落幾於文獻無徵必待關心世道之重臣從而主持之乃
得漫續而新焉則大典之廢興豈不以人哉宗鼎康熙二
年六月拜

命知宿遷縣十月受事即欲悉知邑之山川人物文字典章
風俗沿革而志不可得再訪之始得一本字畫漫滅難讀
宿遷縣志

胡序

檢其間首則有督漕尚書蔡公一序乃公去淮之日留
之邑中俾邑人刻成而重刻之余更有感於邑志廢興之
故矣志昔修於

十四年丙申至今康熙甲辰六

十九年宿遷當全盛之時油鹽相接輪蹄輻輳衝繁靡麗
冠於淮北官斯土者送迎簿書日無暇晷其後兵火凶荒
相繼爲災困苦之餘何力及此追我

大清定鼎以還諸廢漸興而遺賦爲累歲易一官寄如傳舍
又安能從事於志乎雖然七十年來豈無一政事之際可
留翰墨第皆視爲迂遠無所關繫遂置諸不問耳嗟乎山
川人物文字典章風俗沿革所關於世於人者爲何如而

竟迂視之 尚書蔡公所以獨見其大也 宗典知宿遷已
通一載亦奔走之時多於簿書而仰奉 蔡公之意不敢
遺忘爲招永城人練貞吉執筆以續此七十年來之事於
志後會邑之薦紳士民鳩資授梓梓成 宗典爲序其本末
以見 蔡公之功垂於不朽大典之視人以為廢興固有
如此於職志中邑之人物最著者曰伍日項曰魏曰劉今
蔡公繼四公而生齊名共傳讀志者不特知一邑之山川
人物文字典章風俗沿革而於 蔡公之傳當必三復起
舞想見其人又豈 宗典一人之私替哉謹序

皇清康熙三年歲次甲辰十二月望日

宿遷縣志

胡序

二

賜同進士出身江南淮安府邳州宿遷縣知縣永城胡宗
典撰



奉

吉 重修宿遷縣志叙

邑之志猶國之史也一時配載百代觀型志之義大矣哉我宿志曾於康熙三年重修其時捐貲於中丞蔡公督脩於邑侯胡公閱邑紳衿諸君子共襄厥成事詳而核文典而瞻完書也

今天子御極之二十二年僞逆授有海宇蕩平

上准禮臣請纂脩大一統志因徵志於省於府於州

宿遷縣志

卷序一

縣令各敦聘名儒將近年所未入者許與增脩
基固陋謬蒙 學師毛公薦 縣父母林公造
廬而委以任焉固辭弗獲勉強受託因得與府
聘學陳沈何思先生共相商訂將近年應增事
實隱隱錄行咸爲載入雖事少文約斟酌費
儉然由是而入郡志入有志且上達

天子之廷倚蒙採擇則此書永垂古今固與尋常
縣志不同斯非千秋之盛業歟且纂脩大典上

有督脩總裁提調各上憲如

督憲干公澤成龍
撫憲余公謙恩桂

藩臺丁公紳恩北

臬臺金公謙然

太守高公謙成美
邑侯林公謙昆
嘉名共述

天時而舉以下邑廉儒亦得附學簡末又竊自幸有

榮施焉是爲叙

書

康熙貳拾貳年柒月望日

宿遷縣志

書序

邑庠廩生員曹鑒允公甫題

於淮陰會纂局中



宿遷縣志卷之一

輿地志

沿革

郡名

縣名

縣志

至德

志先地里述職方耳君封建以爲治民侯建以爲生
令則蒞封以經理乎民者也故城稽禹貢正疆輿也
方考天文辨星野也山峙川流必表之湖清波注必
紀之虞一邑之形勝開卷瞭然分合沿革有可攷據
而理道斯舉矣志先輿地有以哉

沿革

附縣志沿革

宿遷本少昊遺墟唐虞三代在焉賈職方食珍膏之
域春秋爲鉅野子國戰國爲魯爲宋爲吳爲楚秦漢

宿遷縣志

卷之一

一

下相漢爲司吾屬東海郡爲下相屬臨淮郡是後又
爲泗陽爲凌城皆漢制也三國於魏爲橋淵爲東
爲下相晉省下相爲宿預郡屬東楚州爲宿預縣屬
東徐州劉宋爲負城爲晉陵由齊而梁而陳爲晉寧
爲朝陽爲臨沐爲安州後魏屬南徐州東魏屬東楚
州北齊爲睢州爲晉陵周隋因之唐武德間廢宿預
郡廣德初改宿遷縣五代因之宋屬京西路金隄山
東路元屬歸德路明初屬邳州隸鳳陽府洪武十五
年改隸淮安府邳州

皇清改南直隸爲江南省宿遷仍屬江南淮安府邳州

縣名

鍾吾

春秋名

下相

春秋名

司吾

漢名

宿豫

晉名

宿遷

唐名今

疆域

附至理

先王雖盡地開封各有抵止水澤陸走悉舟車所至人力所通而貨財之殖民生之賴莫不取足於茲也
祿國裕民者必先之志疆域

東抵沐陽西接睢寧南通泗州北距欽城廣一百九十里袤一百七十里

至到

卷之一

卷之一

東至沐陽縣高沙社一百二十里

西至睢寧縣周家莊七十里

南至泗州草壩社五十里

北至鄆城縣莊溝一百四十里

東到沐陽縣一百二十里

西到睢寧縣七十里

南到泗州三百四十里

北到邳州一百二十里

西南到虹縣二百四十里

東南到桃源縣一百二十里

東北到海州三百里

西北到鄆城縣一百八十里

北至北京水路二千七百四十里陸路一千八百里
南至江寧水路七百里陸路五百里

星野

占驗者雖稽於星野然天道遠人道邇太史公曰太
上修德其次修政其次修教又其次修養考祥君子
其視風哉

按漢天文志云奎箕胃徐州地里志云魯地奎箕之分
野東至東海南有泗水正流得臨淮郡之下相雖儼

新蔡縣志

卷之一

取應軒輅分也宿遷在古屬徐州在漢屬臨淮歷代
雖屬東楚州泗州河東河南皆在徐州輟輟中則其
爲奎箕之分野明矣且以星野考之晉天文志十二
次班固取三統曆十二次配十二野其言最詳如云
右奎五度至胃六度降箕於辰在戌營之分野屬
徐州費直起奎二度蔡邕起奎八度諸志及諸家所
說微有不同惟陳直范蠡諸周京房張衡所云經次
有所折衷徐州之下則云東流入海一度據此推之
可仰星已

尼父曰地險山川神地道也設險守國淑人道也人道淑斯地道神雖則地靈可以饒人而才賢迭出則地靈益增今之勝地孰不原於古之人勝也哉自有

在此而不在彼者必自知之
北瞰秦岱南瀕江淮西襟大河東連渤海蓋兩京之咽喉全齊之門戶也

八景

宿預早春 司吾清曉 倉基蓮唱 白鹿漁歌

鐘泉夜雨 馬陵秋月 草堰耕雲 麥村煮雪

山川

通志卷之一

一

馬陵山去舊治北二里高十五丈周圍二里脈自山東逶迤入百餘里至新治基而止其山高聳為一邑雜觀上有玉虛觀後有極樂庵華嚴庵

靈傑山去舊治西北一里馬陵之餘脉也前阻河上有楚王祠三元宮烈女祠今在新遷城南

三台山在治北二十里三峰尖聳勢若連珠城隍家以為新縣治之至山云

靈山在治北仁鄉去治北二十五里高二十五丈周二里山下有店因山名焉

司吾山去治北七十里高百丈許周圍十五里漢名

縣上有古河洞口琢石爲蟻水自蟻口噴出不涸處
舊縣志云曰山腰宋守領張榮屯此山以拒金人
遺蹟於治三里其下有普化禪林

五華峰在司吾山南

斗山在五華山南

梁山去治九十里其山高數丈周廻十數里築土城
於土相傳爲五代郭彥威屯兵處

峰山在斗山南高五十餘丈峰巒聳聳石磴曉岩嘉
靖二年建泰山行祠於上迄今四方崇祀蓋盛朱山
在下相去治西七里漢朱買臣之別墅也民耕治日
次止存土阜有朱山指公行祠

卷之一

蓮河在治西二十步濟汶沂泗諸水合流自魚河
入蓮河小河口會黃河自古城入堯源縣界

水河去治南十里其源出汴入泗易以淺狹故名

楚河去河北四十里出本縣港頭社下流入泗以土

壩爲故名

魚洋河去治南四十里西南一百二十里通虹縣汴

河巨津湖漫望之如洋故名今湖故道猶存

湖

湖去治東十里周廻三十餘里水由草壩溝入

河多產魚蝦爲淮北第一名東湖

上泊水湖去治東三十里由武家溝入河

白鹿湖去治西南五十里由小河入運河

渚馬湖去治西北十里由董家溝陳堤溝以入運河

潼清湖去治西北一百里

管家湖去治西北六十里

已頭湖去治西北八十里

白湖去治西北九十里

張皮湖去治西北七十里

丁家湖去治西北五十里

黃龍湖去治西五十里

朱家湖去治西四十里

澤沱湖去治北二里馬陵山

茅滋湖去治東南二十里

入運河
朱由響水溝流

入運河

準子湖去治西四十里多山魚蝦爲商賈市利之所

倉基湖去治東南二十里周廻四十五里相傳昔石

崇建倉貯糧之處故名

蒲葦湖去治西北八十里每春月陰晦時常有城

池觀市見出俗傳諸葛屯於此